



Broj: 1-2-50-405-2/21
Banja Luka, 2. 7. 2021. godine

Na osnovu Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), postupajući po zahtjevu Amera Kurtovića iz Sarajeva, Direkcija za civilno vazduhoplovstvo Bosne i Hercegovine donosi:

RJEŠENJE
o pristupu informacijama

kojim se u cjelosti **ODOBRAVA** pristup informacijama pod kontrolom BHDCA

Obrazloženje

Dana 21. 6. 2021. godine Direkcija za civilno vazduhoplovstvo BiH (u daljem tekstu BHDCA), zaprimila je, putem e-maila, u skladu sa Zakonom o slobodi pristupa informacijama u BiH, zahtjev koji je Genrelani sekretarijat Savjeta ministara BiH prosljedio Direkciji na osnovu člana 13. stav 1 Zakona o slobodi pristupa informacijama u BiH. U svom zahtjevu, podnosilac traži da mu se omogući pristup sljedećim informacijama:

„Popis službenih posjeta bh. zvaničnika i službenih posjeta bh. zvaničnicima, kao i datuma te predmeta tih sastanaka ili saopćenja s tih sastanaka.

Gore navedene informacije se odnose na sljedeće države: Alžir, Bahrein, Džibuti, Egipat, Irak, Jemen, Jordan, Katar, Komoros, Kuvajt, Liban, Libija, Mauritanija, Maroko, Oman, Palestina, Saudijska Arabija, Somalija, Sudan, Sirija, Tunis te Ujedinjeni Arapski Emirati.

Gore navedene informacije se odnose na predsjedavajućeg Vijeća ministara, zamjenike predsjedavajućeg Vijeća ministara, rukovodioca, zamjenike rukovodioca i pomoćnike rukovodioca upravnih organizacija na nivou Bosne i Hercegovine te članove tijela na nivou Bosne i Hercegovine, odnosno: (pa navedene institucije od koji se traži informacija)

Gore navedeni informacije se odnose na vremenski period od 1996. do 2020. odnosno od kada je određena upravna organizacija, odnosno tijelo osnovano“.

Postupajući po navedenom zahtjevu, a na osnovu člana 11. stav (4) i člana 14. stav (2), alineja c) Zakona o slobodi pristupa informacijama u BiH, BHDCA je u cjelosti odobrila pristup informacijama kako je navedeno u dispozitivu ovog rješenja i podnosiocu zahtjeva dostavlja traženu informaciju:

U skladu sa Listom kategorija registraturne građe sa rokovima čuvanja Direkcije za civilno vazduhoplovstvo BiH koju je odobrio Arhiv Bosne i Hercegovine, a na osnovu člana 7. tačka h) Zakona o arhivskoj građi i Arhivu Bosne i Hercegovine („Službeni glasnik BiH“, broj 16/01), člana 9. Pravilnika o zaštiti i čuvanju arhivske građe u Arhivu Bosne i Hercegovine i registraturske građe u institucijama Bosne i Hercegovine („Službeni glasnik BiH“, broj 10/03) i Uputstva o arhivskoj knjizi, čuvanju registraturne i arhivske građe, odabiranju arhivske

građe i primopredaji arhivske građe između ministarstava, službi, institucija i drugih tijela Savjeta ministara Bosne i Hercegovine i Arhiva Bosne i Hercegovine („Službeni glasnik BiH“, broj: 16/06), obaveza čuvanja odluka o upućivanju na službeni put, putnih naloga za službena putovanja i putnih naloga za vozila, kao i saopštenja za javnost je 5 godina. S tim u vezi, Direkcija ne raspolaže traženom informacijom za period od 1996. do 2015. godine.

Za period od 2015. godine do 2020. godine zvaničnici BHDCA nisu išli u službene posjete državama navedenim u zahtjevu, niti su zvaničnici navedenih država dolazili u posjetu Direkciji za civilno vazduhoplovstvo BiH.

U svom zahtjevu, podnosilac je tražio da mu se informacije dostave elektronskim putem na, u zahtjevu, navedene e-maile, što će učiniti službenik za informisanje BHDCA sa službenog e-maila.

U skladu sa članom 16. Zakona o slobodi pristupa informacijama u BiH, podnosilac zahtjeva oslobođen je plaćanja taksi na ovo rješenje.

Uputstvo o pravnom lijeku: Protiv ovog rješenja može se, u roku od 15 dana od dana prijema rješenja, podnijeti žalba Žalbenom savjetu pri Savjetu ministara BiH, kao drugostepenom organu i prigovor Ombudsmenu za ljudska prava BiH.

Dostavljeno:

-

- a/a.

Generalni direktor
Čedomir Šušnjar

